



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

I. De Christiana religione promouenda.

urn:nbn:de:hbz:466:1-15625

TITVLI CAPITVLORVM.

- | | |
|---|---|
| I. De Christiana religione promo-
uenda. | XVIII. De diebus iuridicis & ma-
trimonialibus. |
| II. De sacerdotum & cleri cali-
batu. | XIX. Vt vidua sint per annum in-
nuba. |
| III. Vt Deum vnicum colant &
diligant. | XX. De confessione & pœnitentia
agendis. |
| IV. Vt saga, incantatores, mere-
trices egregie, & periuri exu-
lent. | XXI. De verbis & operibus cu-
randis. |
| V. Vt leges iuste ferantur, & ser-
uentur. | XXII. De emendatione pacis, nu-
mismatis, &c. |
| VI. Vt nemo vendatur extra pa-
triam. | XXIII. De nauali expeditione sub
paschate paranda. |
| VII. Vt pro modico delicto nemo
morietur. | XXIV. De militiam detrectan-
te. |
| VIII. De gradibus matrimonium
prohibentibus. | XXV. Vt homicida aut peierator
coram rege non veniat, prius-
quam satisfecerit. |
| IX. De multiplici pace ecclesia. | XXVI. De vita regis insidiatore. |
| X. De debitis Deo reddendis. | XXVII. De eo qui forsteal fece-
rit. |
| XI. De denario sancti Petri, &
cirick sceato. | XXVIII. De eo qui monialem aut
viduam compresserit. |
| XII. & XIII. De censu lumina-
rium & sepultura. | XXIX. De consilio efferendo Deo
& populo probatissimo. |
| XIV. De sepulto extra suam paro-
chiam. | XXX. Exhortatio cum ad eccle-
siasticos, tum ad saculares. |
| XV. De festis & ieiuniis. | XXXI. Multa & compensatio-
nes pendenda vbi delinquitur. |
| XVI. De ieiunio quatuor tempo-
rum. | XXXII. Potentes grauius mul-
ctandi. |
| XVII. De die Veneris ieiunan-
da. | |

CAPITVLA.

I.

HÆ sunt constitutiones quas tulerunt Angli
 eruditi, elegerunt etiam & edixerunt, instan-
 terque docuerunt obseruandas. In primis hortantur
 episcopi, vt qua possumus festinatione a peccatis
 reuertamus omnes, confessique eadem libentissime,
 sedulo pariter compensemus, Deum vnicum recte
 diligamus atque veneremur, religionem vnicam

Christianam firmiter teneamus, & quamlibet Gentilium superstitionem omni odio explosam fugiamus. Consiliis mutuis nobis inuicem opitemur, paci & concordia summopere studeamus, & regi vnico domino nostro vsquequaque obediētes fidelitatem debitam exhibeamus. Decernunt etiam sapientes, vt abbates & abbatissæ propriam suam vitam recte disponant, familiamque & conuentum suum prudenter instituant: & vt omnes, cuiuscumque ordinis fuerint, ad muneris sui rationem humiliter se accingant coram Deo & mundo; præsertim ministri Dei episcopi & abbates, monachi & mynecenæ, canonici & nonnæ, ad vitæ se conuertant integritatem, regulariter viuant, & pro omni Christiano populo preces fundant solertissime. Decernunt vtique sapientes, quod monachi, qui extra monasterium suum degunt, professionis suæ regulas non curantes, animarum suarum vtilitati prospiciant, & in monasteria sua cum omni humilitate reuertentes, peccata sua & violatæ professionis crimen serio deplorent: meminerint siquidem voti & sponsionis, quibus Deo semet consecrarunt. Monachus autem, qui monasterium non habet, conferat se ad dicecesis episcopum, & coram Deo & hominibus probum se & candidum confirmet; tria saltem se exinde obseruaturum, scilicet castitatem, habitu vestiri monachali, & qua melius poterit in seruitio Domini permanere. Hæc qui præstiterit, dignior habebitur, & in maiori precio vbicumque venerit. Canonicis honori fuerit, si comteum in refectorio, som-

Vt ordinati munera sua exequantur.

Monachi cœnobita.

Monachi non cœnobita.

CIRCA
ANNVM
CHRISTI
1009.

CIRCA ANNUM CHRISTI 1009. num in dormitorio capescentes, monasterium teneant in castitate iuxta regulæ suæ rationem, & vt iustum est. Hoc si non fecerint, honore suo spoliantor.

II.

Omnes ministros Dei, præsertim sacerdotes, obsecramus & docemus, vt Deo obedientes castitatem colant, & contra iram Domini se hoc modo muniant & tueantur. Certius enim norint quod non habeant debite ob aliquam coitus causam vxoris consortium. In more tamen est, vt quidam duas, quidam plures habeat; & nonnullus, quamuis eam dimiserit quam nuper habuit, aliam tamen ipsa viuente accipit, quod nulla Christianorum lege est permissum. Dimittens autem & castitatē recolens, e cælo assequetur misericordiam, in mundo etiam venerationem, adeo vt iuribus & tributis habeatur thani dignus, cum in vita tum in funere. Qui autem ordinis sui regulam abdicauerit, omni cum apud Deum tum apud homines gratia exuatur.

Vt sacerdotes vxorem non ducāt.

Quidam plures habent.

Sacerdos cœlebs pat est thano.

III.

Volumus etiam & obsecramus omnes amicos nostros, & populum vniuersum, vt assidue discant Deum vnum intimo corde diligere, & Gentilium superstitionem sedulo effugere.

IV.

*necromantiam Sagas, incantatores, artem *scm exercentes, meretrices egregias, mortem inducentes, & peierantes, tamquam terra indignos e terra proiicite, vt purior sit deinceps populus; vel terra exeant cum suis omnibus, ni pœnitentiam egerint abundantius.

Concil. Tom. 25.

H h ij